

Thursday, May 7, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

AMC

Aizawl Municipal Corporation (AMC) Corporator atana thlan tharte chu vawiin chhun dar 12:00 khan Thuampui Venga AMC Office, BoC Meeting Hall ah Aizawl DC Pu Lalhriatpuia'n rinawmna thu tiamtirin a lalut.

Byte: AMC corporator

Corporator 19 te lakluh zawh hian Mayor leh Deputy Mayor te thlan an ni a. Aizawl Mayor tura thlan Pu H. Lalremtluanga (Ward-VI) leh, Deputy Mayor tura thlan Pi R. Lalawmpuii (Ward-XVI) te bakah Executive Corporator pali- NI. Christina Roluahpuii Sailo (Ward-VIII), Pu Vanlalhruaia (Ward-XIII), Pu Vanlalfaka (Ward-II1), Pu K. Lalrodinga (Ward-XVIII) te chu rinawmna thutiam tira lakluh nghal an ni.

Byte: Mayor & deputy mayor

AMC corporator lakluh inkhawmah hian Chief Minister Pu Lalduhoma, Home Minister Pu K. Sapdanga leh Speaker Pu Lalbiakzama te bakah Minister leh MLA dangte an tel a ni.



LAWNGTLAI DRUG REDUCTION SQUAD

Vawiin khan Lawngtlai Bawrhsap Pu Donny Lalruatsanga kaihhruiin Drug Reduction Squad - DC Office Chamber-ah an thutkhawm a.

Pu Donny Lalruatsanga chuan Ruihhlo Do beihpui thlak mekah 'Operation Jericho' leh Drug Free District Campaign-kalpui mek a nih thu a sawi a. Ruihhlo do kawngah sawrkar leh NGO - te theihtawp chhuah a tul hle tiin, a bik takin Central YLA hnuai 'Drug Reduction Squad (DRS)' hmalakna leh hnathawh fakawm a tih thu a sawi.

Bawrhsap chuan Lawngtlai District-ah muanna awm tur te, khawpui fai leh chhenfakawm zawk siam turin ruihhlo um bo a tul hle a, a dona ah tha thlah theih a ni lo, a ti a, Sawrkar leh VC, NGO, Kohhran leh mipuite tandun ngai leh intiichak tawn tul tak a nih vangin ruihhlo do kawngah thawhhona tha zawk a awm zel a beisei thu a sawi.

Thutkhawmah hian Ruihhlo ngai leh a zuartute tan 'Salvation Camping' emaw 'Crusade' buaitsaih ni se, a hmun atan LIKKBK Central Church, Bazar Veng ni se tih niin, Hemi atan hian Bawrhsap kaihhruaina hnuai ah Organising Committee dinfel nghal ani.



AIR 90 YEARS WALKATHON

All India Radio kum 90 tlin lawmna pualin naktuk zingkarah AIR Aizawl chuan Walkathon a huaihawt dawn a, AIR Station Tuikhuahtlang atanga Millennium Centre thleng an kal ang.

All India Radio kum 90 tlin lawmna pual hian AIR Aizawl chuan hun pawimawh hrang hrang buatsaihin a khuh hawn nan Lamp Lighting bakah 90 Years Musical Concert te a buatsaih a, Walkathon hi Aizawl mai nilo District dangah pawh buatsaih ani dawn a ni.

All India Radio Aizawl Director leh Mizoram Cluster Head Pu DR Lalropuia chuan AIR Aizawl in Walkathon buatsaih tur chu All India Radio kum 90 tlin lawmna pual anih thu sawiin AIR Aizawl-a thawk mek leh thawh tawh zawng zawngte tel vek turin a sawm a ni.

Byte of Director

All India Radio hi June 8, 1936-ah din niin, New Delhi-ah Headquarters a awm a; AIR Aizawl hi India ram puma AIR Station 230 zinga pakhat niin, AIR kum 90 tlin pual hian AIR Aizawl chuan a lawmnapui ber hi June ni 8, 2026 khian Vanapa Hall-ah Chief Minister Pu Lalduhoma hovin an hmang dawn a ni.



WORLD AIDS ORPHAN DAY

World Aids Orphan Day chu wawiin khan I&PR Auditorium ah Gan Sabra buatsaihin neih a ni a, Mizoram State Commission for Protection of Child Rights, Chairperson Pu Jimmy Laltnanmawia chuan he hun hi a hmanpui.

Khuallian chuan thusawiin naupangte rilru, taksa leh ngaihtuahna te a nihna tura ang taka an than lenna tur atan chhungkua tha an mamawh a, naupang tam takin harsatna leh chhan dang tamtak avangin an dawn loh thu sawiin, heng harsatna tawh naupang te an mamawh leh chanvo chang theilo mi tamtak te chu Gan Sabra in an hmalakna an chanvo diktak pe turin an pen chhuak thin a ti a, Mizoram State Commission for Protection Child Rights din chhan chu India Ram Danpui ina a ruahmanna hnuaia kum 2008 atanga din a ni a, naupangte ina an dikna chanvo an chan theihnan a din a ni a, hemi kawngah hian hma nasa an lak thin thu a sawi a ni. Naupang Hiv/Aids avanga vanduai te hmakhua leh than lenna kawngah hian Sawrkar, Kohhran, Pawl, mimal tin ten mawhphurhna an nei theuh a ni a ti bawh.

Gan Sabra hi kum 2006 khan Pi Lucy Remruati Chhange din a ni a, Gan Sabra ah hian naupang/ Fahrah HIV/ Aids avanga harsatna tawh te enkawlina hmun a ni a, tunah hian naupang 300 vel enkawlin chhawmdawl hna a thawk mek a ni. An enkawl naupang zingah pawl 10 leh 12 pass chhuak an awm nual tawh a ni.

